

Slab odziv na protest u Banjoj Luci

19/05/2009 18:29 by Administrator

Boranka organizacija Republike Srpske organizirala je danas u Banjoj Luci, ali i drugim gradovima RS-a mirne proteste nekolicine svojih članova u povodu zvanične posjete potpredsjednika Sjedinjenih Američkih Država Josepha Bidena Bosni i Hercegovini.

Reuters Predsjednik Boranke organizacije RS-a Pantelija Ćurguz kazao je novinarima da je paljenjem svijeća u svim općinama RS-a izražen miran protest povodom "diskriminacije nebošnjaka u BiH".

On tvrdi da "diskriminacije ima svuda u BiH, a najviše je izražena kada je riječ o procesuiranju ratnih zločina", te stoga članovi Boranke organizacije "žele poručiti američkom potpredsjedniku da nije dobro da se u službene posjete dolazi s već iskristalisanim stavovima ili odlukama, koje bi trebale, tobože, biti u funkciji boljeg života naroda na ovim prostorima".

U Banjoj Luci se okupio mali broj građana, a Ćurguz je napomenuo da je riječ isključivo o mirnim protestima i da Boranka organizacija RS-a ničim nije uslovljavala svoje članstvo, niti građane, da se odazovu ovim skupovima, već je to stvar njihovog slobodnog izbora. (FENA)

Izvor vijesti: sarajevo-x.com